

L ▶ COELII LACTANTII FIRMIA

NI CARMEN DE PASSIONE DOMINI, QVOD
IN VETVSTIS EXEMPLARIBVS IN-
VENIMVS, HIC ADDEN-
DVM CVRAVIMVS.



Visquis ades, medijsq; subis in limina templi,
Siste parum, in fontemq; tuo pro crimine passum
Respice me, me conde animo, me in pectore serua:
Ille ego, qui casus hominum miseratus acerbos,
Huc ueni, pacis promissæ interpres, & ampla
Communis culpæ ueniam: hic clarissima ab alto
Reddita lux terris, hic alma salutis imago:
Hic tibi sum requies, uia recta, redemptio uera,
Vexillumq; dei, signum & memorabile fari.
Te propter uitamq; tuam sum uirginis aluum
Ingressus, sum factus homo, atq; horrentia passus
Funera: nec requiem terrarum in finibus usquam
Inueni, sed ubiq; minas, sed ubiq; labores.
Horrida prima mihi in terris magalia Iudæ
Hospitia in partu, sociæq; fuere parenti.
Hic mihi fusa dedit bruta inter inertia primum
Arida in angustiis præsepibus herba cubile.
In Pharijs primos uixi regionibus annos,
Herodis regno profugus: reliquosq; reuersus
Iudæam, semper ieiunia, semper & ipsam
Pauperiem extremam, & rerum inferiora secutus:
Semper agens monitis humana salubribus almæ
Ingenia ad studium probitatis, aperta salubri
Plurima doctrinæ iniungens miracula: quare
Impia Hierusalem rabidis exercita curis
Inuidiæ, sæuisq; odijs, & cæca furore,
In fonti est pœnis letalibus ausa cruentam
In cruce terribili mortem mihi quærere. quæ si
Latius ipse uelim distinguere, siq; per omnes
Ire iuuat gemitus, mecum & sentire dolores:
Collige consilia, insidias ue, meiq; nefandum
Sanguinis innocui precium, & simulata clientis
Oscula, & insultus, & sæuæ iurgia turbæ:
Verbera præterea, & promptas ad crimina linguas.
Fige animo & testes, & cæci infanda Pilati
Iudicia, ingentemq; humeros, & fessa prementem
Terga crucem, atq; graues horrenda ad funera gressus.
Nunc me, nunc uero desertum extrema secutum
Supplicia, & dulci procul à genitrice leuatum,
Vertice adusq; pedes me lultra: en aspice crines
Sanguine concretos, & sanguinolenta sub ipsis

Colla

Colla comis, spinisq; caput crudelibus hauſtum:
 Vndiq; diua pluens uiuum ſuper ora cruorem.
 Compreſſos ſpeculare oculos, & luce carentes,
 Afflictasq; genas, arentem ſuſpice linguam
 Felle uenenatam, & pallentes funere uultus.
 Cerne manus clauis fixas, tractosq; lacertos,
 Atq; ingens lateri uulnus: cerne inde fluorem
 Sanguineum, feſſosq; pedes, artusq; cruentos.
 Fleſte genu, lignumq; crucis uenerabile adora
 Flebilis: innocuo terramq; cruore madentem
 Ore petens humili, lachrymis ſuffunde ſubortis:
 Et me nonnunquam deuoto in corde, meosq;
 Fer monitus: ſectare meæ ueſtigia uitæ,
 Ipſaq; ſupplicia inſpiciens, mortemq; ſeueram,
 Corporis innumeros memorans, animiq; dolores.
 Diſce aduerſa pati, & propriæ inuigilare ſaluti.
 Hæc monimenta tibi, ſi quando in mente iuuabit
 Voluere, ſi qua fides animo tibi ferre meorum,
 Debita ſi pietas, & gratia digna laborum
 Surget, erunt ueræ ſtimuli uirtutis, eruntq;
 Hoſtis in inſidias clypei, quibus acer in omni
 Tutus eris, uictorq; feres certamine palmam.
 Hæc monimenta tuos, ſi labilis orbis amicos
 Auertent ſenſus, fugiente decoris ab umbra
 Mundani efficiant, ne ſpe captatus inani,
 Mobilis occiduis fortunæ fidere rebus
 Auferis, aut uitæ ſperare fugacibus annis.
 Sed te nimirum, ſic iſta caduca uidentem
 Secula, & exutum patriæ melioris amore
 Orbis opes, rerumq; uſus, & uota priorum,
 Moribus extollens ſacris, uitæq; beatæ
 Spe, duras inter pœnas, te rore fouebunt
 Cœleſti, pactiq; boni dulcedine paſcent:
 Purpuream donec poſt ultima fata relicto
 Corpore, ſublimes animam reuocabit ad auras.
 Gratia magna tibi tunc omnem exuta laborem,
 Angelicos tunc lata choros, aciesq; beatas
 Sanctorum inſpiciens, æternæ pacis amœna,
 Perpetuo felix mecum regnabit in aula.

F I N I S.

Bb